



## Xav tias koj them tsis taus kev pov hwm kho mob? Xav dua ntxiv.

Cov nyiaj txiag pab, kev pab tim ntsej tim muag thiab kev tuav pov hwm cov phiaj npaj kho mob puv ntoob tsuas muaj los ntawm MNsure xwb.

### Mus Yuav Kev Pab Them Nqi Kho Mob Ib Qhov Chaw Xwb

MNsure yog qhov chaw uas Minnesota cov neeg muaj cuab kav nrhiav tau kev tuav pov hwm kho mob cov kev cai thiab muab piv rau cov tuam txhab uas tsis yog tsoom fwv li kom tau kev pab them nqi kho mob muaj txhij txhua uas haum rau koj cov kev xav tau thiab peev nyiaj siv. Koj tseem sau npe tau rau lwm cov kev pab cuam xws li Medical Assistance (Pab Kev Kho Mob) los yog MinnesotaCare thiab.

Minnesota cov neeg feem coob yeej muaj feem tau txais ib qho kev pab rau fab nyiaj txiag, thiab MNsure yog tib qho chaw nkaus xwb uas koj muaj cuab kav tau txais qhov ntawd. Koj qhov kev pab nyiaj txiag yuav muaj txij ntawm qhov t xo tus nqi kom tsawg mus txog rau qhov kev tuav pov hwm kho mob uas tsis tau them dab tsi li.

Txawm tam sim no koj mus yuav kev tuav pov hwm kho mob koj tus kheej, los yog koj yeej tsis muaj li los, koj yuav siv tau MNsure.

### Muaj Neeg Pab Dawb

Kev sau npe rau hauv kev tuav pov hwm kho mob kuj tsis yooj yim. Yog vim li no MNsure thiaj muab neeg pab dawb los ntawm cov neeg pab coj kev thiab cov neeg sawv cev uas tau kawm los lawm thiab muaj ntawv pov thawj.

Ib tug neeg pab coj kev yog ib tug los ntawm ib lub koom txoos txaus ntseeg siab tau uas yuav coj koj mus thoob txhua theem ntawm txoj kev ua daim ntawv thov tus txheej txheem thiab pab kom koj sau kom tau npe.

Ib tug neeg sawv cev yuav pab tau mus ib kauj ruam tom ntej ntxiv. Raws li yog ib tug kws tshaj lij muaj ntawv pov thawj, cov neeg sawv cev yuav muab tau tswv yim pab koj xaiv kom tau ib daim phiaj npaj kho mob uas muaj raws li cov kev xav tau ntawm koj thiab koj tsev neeg.



# Xa dua ntxiv. Kom tau txais kev pab them nqi kho mob.

## Cov Nyiaj Pab Uas Koj Siv Tau Tam Sim No

Tag nrho cov phiaj npaj kho mob ntawm MNsure muaj cov nyiaj pab them cov nqi no:

- Cov kev pab thaum muaj xwm txheej ceev
- Cov kev pw tim tsev kho mob
- Cov kev pab soj ntsuam roj ntsha
- Kev pab thaum yug me nyuam thiab kev tu cov me nyuam mos liab
- Kev pab rau kev noj qab haus huv ntawm siab ntsws thiab kev coj xeeb ceem
- Kev pab sab nraum lub tsev kho mob thiab kuaj hauv tus kws kho mob lub hoob kas
- Yuav tshuaj uas kws kho mob sau
- Tej kev pab tiv thaiv thiab kev noj qab nyob zoo
- Cov kev pab thiab cov twj pab kho kom rov zoo li qub thiab kev pab muab chaw so (pab kom yus ua tau neej nyob, los sis kom zoo mob zoo nkees tom qab yus muaj mob los sis raug mob)

Cov nyiaj pab no muaj rau koj siv rau hnub ib ntawm koj tsab kev cai.

- MNsure cov kev phiaj npaj kho mob tsis muaj cais tawm cov mob uas twb muaj ua ntej los lawm.
- Tsis muaj qhov tsis kam lees muab kev pab them nqi kho mob rau koj los yog tsub tus nqi them raws hli siab dua vim keeb kwm kev mob nkeeg.
- Nws tsis muaj qhov nyiaj duaslas txwv tsis pub tshaj hauv lub xyoo los yog lub neej.

## Kom tau txais kev pab them nqi kho mob rau 2021

Lub caij qhib rau npe rau kev pab them nqi kho mob rau 2021 yog pib thaum lub Kaum Ib Hlis Ntuj hnub tim 1, 2020 - Kaum Ob Hlis Ntuj hnub tim 22, 2020. Thaum lub sij hawm no, Minnesota cov neeg yuav ua tau ib daim ntawv thov kom paub seb lawv puas muaj feem tau txais qhov kev pab nyiaj txiag.

Minnesota cov neeg uas muaj feem tau txais Medical Assistance (Pab Kev Kho Mob) los yog MinnesotaCare yeej sau npe tau kom tau txais kev pab thoob plaws lub xyoo.

Muaj coob tus neeg los yog tsev neeg, tab txawm yog cov ua hauj lwm los, yeej muaj feem tau txais kev pab nyiaj txiag. Yog tias koj cov nyiaj tau los ntau tshaj plaws txhua xyoo qis dua qhov muab teev hauv qab no rau koj tsev neeg coob los tsawg, ces tej zaum koj yuav muaj feem tau txais kev pab.

Cov Neeg Hauv Tsev Neeg	Nyiaj Tau Los Txhua Xyoo
1	\$51,040
2	\$68,960
3	\$86,880
4	\$104,800
5	\$122,720
6	\$140,640

## Muaj peb txoj kev uas yuav tau kev pab rau npe koom.

### Neeg Taw Kev (Navigators)

Cov neeg uas txawj ua hauj lwm hauv cov koom haum zoo hauv lub koog zej zog yeej tuaj pab tim ntsej tim muag ua tsab ntawv thov thiab kev rau npe pub dawb thiab yuav rov qab los pab ntxiv.

### Neeg Muag (Brokers)

Cov kws txawj uas paub ua thiab tau lais xees pab pub dawb rau koj sib tham tim ntsej tim muag pab rau kev rau npe thiab qhuab ntuas kom pab xaiv seb koj xav xaiv pawg twg.

### MNsure Chaw Neeg Hu Tuaj (Contact Center)

651-539-2099 los sis 855-366-7873

Cov kws pab tshwj xeeb uas tau kev kawm txhij los teb koj cov lus nug hauv tus xov tooj hu dawb.

Kom nrhiav tau cov neeg taw kev, neeg muag, thiab tej chaw uas yus lam nkag mus hauv uas tau ntawv tso cai nyob ze ntawm koj cia li xyuas hauv  
[MNsue.org/help/](http://MNsure.org/help/).



[facebook.com/mnsure](https://facebook.com/mnsure)



@MNsue



[mnsureorg](https://mnsure.org)